

Châng Thlan: *Galatia 3:13.*

Zirlaite Tân:

Hriat Tûr: Thuthlung Hlui lama rinna avânga tlanna leh thiamchantîrna manthiam nâna a ziârâng târlan.

Vei Tûr: Kan tâna Kristan Pa nêna inmihrana ânychhia a tawrh natzia leh lungngaih thlâkzia hriatpui.

Tih Tûr: Kan tâna Kristâ inhlanna thûkzia pawm leh manthiam a, kan sualte ngaidam leh min khuhsak tûra rinna nêna A felna pawm.

THUPI TĤHEN

I. Hriat Tûr: Thuthlung Hluia Tlanna

- A Engtin nge Thuthlung Hlui huna inthâwina hmanga Tlanna thupui kha entîr a lo nih tĤin?
- B Thuthlung Hluia eng thûte khân nge mi dangte chhan chhuah nâna Aiawhtû insênsozia lo târlang le?

II. Vei Tûr: Kan Tâna Ânychhia A Phur

- A Engati nge Pathianin hê khawvêla Kristâ lo kal leh A thih hmâ daih aţanga âiawha inthihsakna târlan tûra a lo beih zui zêl?
- B Engati nge Kristâ chu man, hêk, saruak leh Khenbehnaa kalsan nih inhriatna chena tlâwmna leh muâlphona a kan inchhiâr tel vê hi a pawimawh viau?

III. Tih Tûr: A Man Pawmin

- A Thuthlung Hlui huna inthâwinate kan tâna Kristâ insênso dân nî tina hriat nawntîrtu a ni. Engtin nge hêng ngaihruatna hi tûnlai hian kan tihthar leh ang?

B Kristâ thihna tawmpui a, rinnaa A nunna thilthlâwnpêk chu pawm tûrin enge kan tih ngai ang?

KHAIKHÂWMNA: Inthâwina hmangin Thuthlung Hlui hian sualna man tozia leh mi sual thihna tûra âiawhtu thafamkim inhlanna chu târlan a ni.

INZIRTÎR DÂN TÛR

RAHBI 1—Chawk phûr rawh

Thlarau thanna atâna thu pawimawh: *Krista kan rinna chiah hi Pathian fâte kan nih leh theihna chu a ni.*

ZIRTÎRTÛTE PUÂL: Hê zirlai hmang hian sawi hona kaihruaitûte chuan *Galatia 3-a* Paula tih dân kha entawna hmangin, kan thil tihte vâng a chhandam kan ni lo tih ngaihdân min hruai bo thei tak hi kalsan tûrin in pâwl member-te chu in fuih phûr dawn nia. Krista rinna azâr chiaha khawngaihnaa chhandam kan ni tih hi rilrûa hre thar a, ngaihtuah pui bera nei zui tûrin kan inngên a. *Galatia-ah* hian thu inkalh anga lang, dik bawk sî ngaihnaawm tak kan hmû a: Paula, dân zir chhuak tawh ngat khân, pawmawm tak maiin Pathian nêna min zawmtu chu eng dang ni lo vin rinna a ni tiin thiam takin a sawi a ni.

Sawi ho tûrte: In pâwlte chu engang takin nge *Galatia* hi an sawi vê theih dik taka chhâng tûrin sâwm la. *Galatia* hi ‘thil âthlâk’ pawh an ti maithei a, mahse thil chik leh dilchhût taka chhût chhuah neuh neuh peih riâuna hunah kan chêng tih hriat reng ni se. Engtin nge rinna nêna pên chhuak a, kan nuntawng pawns lam atanga finfiah mai theih sî loh thil eng emaw, Tû emaw chu ring tûra *Galatia-a* harsatna hi kan tawmpui vê thin?

RAHBI 2—Zawng chhuak rawh

ZIRTÎRTÛTE PUÂL: Abrahama chanchin kha kan hre tlângpui ang a. Chutichungin, a chanchin kan hriat lârna tak khân harsatna eng emaw tak min siam thung a. Mihringte thlîrna

aṭang chuan Abrahamama hnêna Pathian thutiam kha thil theih loh ang a nih laiin, Abrahamama nun hmanga rinna lo lang chhuak han rin vê mai pawh kha thil khirh tak chu a ni tho mai. Hê zirlai hmang hian Abrahamama chanchin kha zir thar lehna hun remchâng kan nei dâwn a, rinna nêna Pathiana innghah tawp theihna nun neih dân kan hriat phah thei ang.

ZIR ZAUNA

Krista kan rinna zâra khawngaihnaa chhandam kan ni tih kan hriat chuan, Abrahamama chanchin kha kan tân pawh inenna tûr, kan nuna rinna mawlh hi thupui bera neih dân inkawhhmuh tharna a ni tih kan hria ang. Galatia mîte hnêna Paula lehkhathawnin a sawi dânin, Abrahamama chanchin kha eng tik huna mîte tân pawh rinna awmzia inkawhhmuhna tûr a ni.

Rinna nuna nung tih awmzia kan ngaihtuah thiam theih nân thil pawimawh tak tak pathumin min ṭanpui thei ang. Hêng chungchâng Bible-in chipchiar zâwka min hrilh dân chu luh chilh ang che u: a) Abrahamama hnêna Pathian inpuan chhuah dân te, b) Abrahamama hnêna Pathian thutiamte târlan a nih chhoh zêl dân te, leh c) Pathian thutiam rinna thupuaia nei chung a Abrahaman ataka a nunpui zêl dân. Rinna hmanga teh lo va (mihring nuntawng leh ngaihtuahna hmanga teh a) sawi sêl kan tum a nih ngat chuan, a zinkawng kha thil âwm ang lo kan ti liam mai dâwn a ni.

I. Abrahamama Chanchinin Min Zirtîr Rinna Zirlai Pathum (*Genesis 12:1–8, 13:14–18, 15:1–10.*)

Rinna dik entîrna atâna Paulan Abrahamama a hman chhan chu hei hi kan zâa dinhmun a ni vê ṭheuh theih vâng a ni ber a. Thil ni thei ni mai lo vin, kan zâa Pathianin min tihsak a châk chu a ni bawh. Abrahamama chanchin hian kan hnêna Pathianin rawn inpuanchhuah a, A thutiam leh thil min tihsak a châk ngawih ngawihte puân chhuah a, mimal taka kan rinna zin kawng min zawhpui a châkzia kan hriat theih nân a ni.

Zirchhuah Theih Thil Pathum: Bible chuan Pathianin Abrahamana a bia tih a sawi a (*Gen. 12:1, 4; 13:14*), a hnêna inlârin (*Gen. 12:7*), mumang angin Abrahamana hnênah a lo lang bawk (*Gen. 15:1*). Hêng chângahthe hian inpuanchhuah dân kawng hrang hrangte kan hmû a, thu lo thleng pawh a Chiang tiâl tiâl a, thutiam mak takte pawm kawngah pawh chutiang tho chu a ni.

1. Abrahamana chanchinin a târlan thil pawimawh tak chu, rinna nuna nung tûr hian Pathian rin mai hi a tâwk lo, Amah nêna inlaichînna neihpui a ni. Rinna chu rilrû leh thinlung hawng a, Pathian nêna mimal taka inlaichînna neihpui a ni. Kan hriat fiah theih dân ber tûr zâwngin kan zâa hnênah Pathianin thû a sawi a, chûng chu Amahin a thlan hmanrua: thilsiam hmang te, thurâwn, chhinchhiahna leh mumang hmangte pawhin a ni thei vek. Zinkawng leh inlaichînna mihring ngaihdân leh hriatna, nungtawng nêna inkalh takte pawh a ni thei.

2. Abrahamana chanchin aţang hian Pathian thutiam chungchâng chu tihfiah deuh deuh a ni chho zêl tih kan hmû a. A tîrah Pathianin ram leh chithlah a tiamsak a, hun inher zêlah Sari lakah fapa a nei dâwn tih thu lâwmawm tak a dawng leh ta a ni. Hemi chungchângah hian zawhna kan nei nual thei ang a, chu chuan rinna nun nei tûra kan beihnaa min kaihruai thei bawng ang: 1) Abrahamana chanchin khân inpuanchhuahna awm chho zêl chungchâng enge a târlan? 2) Engati nge Pathian thutiamte hi tlêm tlêma pêk belh chhoh hret hret a nih?

3. Mihring ngaihtuah leh chhût dân aţanga fa nei thei tawh lo tûr a nih hnûin, a nupuiin fapa a hrinsak aţang ngêi chuan hnam ropui thlahtu a la ni dâwn tih Pathian thutiam Abrahaman a dawng ta a ni. Chutichungin, Abrahamana khân rinna tûr chhan a nei cheu a ni. Chutiang chu a ni fô thîin. Abrahamana nun aţang khân rinnaa kan thil palţang tâkte kan inen thei a. Hun lo kal zêlah Abrahamana pawhin harsatna a nei vê a. Rinna kawng zawh zêlna ni hauh lo thil tihte a nei a. Entîr nân, Sari nêna an inkûngkaihna chungchângah Faraoa hnêna dâwt a sawi a, chû

chu Pathianin hnam ropui tak thlahtu a ni dâwn tih thutiam ang lo va thih a hlahv vâng a ni. Chûbâkah, mahni ngaihdân anga kalin, Hagari lakah fâ a nei mai bawk a. Pathian chu thû chauh sawi a, ataka hlen sî lo anga ngaiin Pathian thutiamah pawh zawhna a siam a. Chutiang thilah chuan kan tân beisei tûr thil ropui tak a awm. Hetianga hlawhchhamna tam tak kârah pawh, Paula chuan Abrahama kha rinna entîrna tlingah ngaiin a la târ chhuak ta tho a ni. Heta ãang hian phûr tharna neiin, harsatna leh tlin loh chângte pawh lo awm ta mah se, rinna kawng lama kîr leh tûra koh kan ni tih i hre reng ang u.

Ngaihtuah teh: Hê chanchin ațanga kan ngaihtuah tûr chu Pathian leh Abrahama kâra chêt tawinna hi a ni. Abrahaman Pathian âw ngaithla tûra a inhawinna ațang khân enge kan zir chhuah theih ang? Thil tuipuiawm dang leh chu, Pathian chu Mahni a inpuan chhuahna leh Abrahama hnêna A thutiâmte lo fiah chho deuh deuh kha a ni. Chiang leh fiah deuh zâwkin thutiam kha târlan chhoh zui zêl a ni a. Hei hian Pathian nêna kan inlaichînnaa rinna nun chungchâng enge min entîr ni ang? Thil pawimawh pathumna chu, Pathian thutiamte Abrahaman ataka a nunpui chungchâng thû hi a ni. Rinchhan tûra harsatna a nei chung, ring tûra mahni a inhawinna ațang khân enge kan zir chhuah theih ang?

RAHBI 3—A Taka Nunpui Tûr

ZIRTÎRTÛTE PUÂL: Rinna hi ãum khat Pathian han pawm zawkna lek hi a ni mai lo tih thutak hi uâr takin sawi ang che. Pathian kan pawmna chu kawngka inhawnga kal tlang ang deuh hi a ni a, a bâk zawng chu kan dam chhûng zawnga Pathian nêna rinna nunga inlaichînna neihpui zêl a ni.

Ngaihtuah Tûr Zawhnate: Bible chhiar leh ãawngțai bâkah, Pathian âw ngaichâng tûrin enge i tih thîn? Engtin

nge Pathian chuan A tum leh nangmâ nun tâna A ruâhmanna bîkte chu a târlan ðin? I rilru/thinlunga Pathian aw danglam tak i hriat hnukung ber kha engtik khân nge ni? I rinpuite zîngah, i rinna zinkawng zawh chungchâng i hrih tam tâwk em? Rinna nêna Pathian chu kûngkaihpui hnâi lehzial tûra infuih nân eng tihdân phungte nge hman ðhâ ang le?

Ataka Nunpui Tûr Zawhna: ‘Rinna kawnga huhopuite’ tân, kan zâa hnênah hian Pathianin kawng hrang tam takin thû a rawn sawi ðhîn tih ngamna tûr, hmun him siam tûrin enge tih theih ang? Kan lûa samzâi zât nêna lama min hria angin, kan zâa nun atân ðheuh hian ruâhmanna min neihsak chu puang chhuak a, rinna chak zâwk min neihtîr tûrin min nghâk tih hi engtin nge kan nemnggeh theih ang?

RAHBI 4—Boruak siam rawh

ZIRTÏRTÛTE PUÂL: Rinna hi kan la hriat loh dâi chhinna a ni a, mahse kan Pa vâna mi chuan a bâna min lo pawm a tiam thung a ni. Rinna thar nei, A kuta pawm nih tûr chu han suangtuah chhin teh. Nausên ðhang chho zêl angin, rinna kawnga ðhan dân chu ngaihtuah la. Pathianin pên chhuak tûra min sâwmna hi, kan dam chhûng zawnga Amah nêna inkûngkaihna duhawm tak nei tûra ðhang zêl tûra min duhsakna a ni. Rinna awmzenei tak chu tlachhama i inhriat chuan, kâr lo awm tûr tlâi khat na nâ nâ chu rinna nuntawng nei thar tûra hun hmang tûrin thutlûkna nghet siam ang che. I hnêna thû a sawi tawhna, eng emaw chen i lo chân tâk lama i thinlung hawnsak tûr chein Pathian ngên ang che. Rinna kawng i zawh mêk laka hlâwk ta deuh riauva i inhriat hunah, i ðhian te, chhûng leh rinpuite tâna ðanpui rawngbâwlna nei tûra pên chhuah ngêi tum tlat bawng ang che.